



M E M O R A N D U M

O RAZUMIJEVANJU, STRUČNOJ SARADNJI I UZAJAMNOJ PODRŠCI U ISTRAŽIVANJIMA U OBLASTI SIGURNOSTI

Zaključen između:

Sudske policije u Federaciji Bosne i Hercegovine (u daljem tekstu Sudska policija), sa sjedištem Valtera Perića broj 15, 71000 Sarajevo BiH, koju u smislu odredbe člana 11. stav (1) tačka d) Zakona o sudskoj policiji u Federaciji Bosne i Hercegovine („Službene novine Federacije BiH“, broj 77/20) predstavlja i zastupa Dženad Grošo, direktor Sudske policije u Federaciji Bosne i Hercegovine,

Visoke škole „CEPS-Centar za poslovne studije“ iz Kiseljaka (u daljem tekstu CEPS), sa sjedištem Ul. Josipa bana Jelačića bb, 71250 Kiseljak, koga zastupa doc. dr. Mirzo Selimić, direktor,

U daljem tekstu: Ugovorene strane.

1. UVODNE ODREDBE

Imajući u vidu značajnu ulogu nauke i struke u unapređenju poslova pravosudne sigurnosti kroz aktivnosti Sudske policije u Federaciji Bosne i Hercegovine i Visoke škole „CEPS-Centar za poslovne studije“ utvrdili su potrebu saradnje u oblasti sigurnosti koja se izučava i naučno-stručno verificira kroz nastavne i naučno-istraživačke aktivnosti Visoke škole „CEPS-Centar za poslovne studije.

CEPS izražava namjeru za saradnju, a Sudska policija prihvata ponudu, da se budućim zajedničkim aktivnostima unaprijedi oblast javne/pravosudne sigurnosti u Federaciji BiH i izvršenja drugih poslova i zadataka iz djelokruga rada Sudske policije u Federaciji Bosne i Hercegovine. Imajući u vidu kompleksnost savremenog sigurnosnog okruženja, preventivne aktivnosti u smanjenju opasnosti i prijetnji postiže se isključivo zajedničkim-bilateralnim djelovanjem institucija.

Memorandum je potvrda opredijeljenosti ugovorenih strana za stvaranje novih struktura saradnje, odnosno novih sredstava i načina rada kako bi se eventualni uzroci objektivnih opasnosti spriječile ili smanjile.

Vidovi, oblici i vrijednost podrške, pomoći i saradnje uređuju se aneksima Memoranduma na osnovu inicijative ugovorenih strana.

2. PREDMET MEMORANDUMA

Sudska policija i CEPS imaju za cilj da uspostave saradnju na promovisanju akademske i institucionalne saradnje između dvije institucije.

Ovaj Memorandum će poslužiti kao opći okvir za institucionalnu saradnju, a olakšat će dalje razvijanje specifičnih programa saradnje od obostranog interesa.



3. MODALITETI SARADNJE

Predmet saradnje koju uređuje ovaj Memorandum podrazumijeva modalitete uzajamne podrške u oblastima:

1. Mogućnost zajedničkog organizovanja naučno-istraživačkih aktivnosti, konferencija, simpozija, seminara, radionica vezanih za nadležnosti i ovlaštenja Sudske policije;
 2. Razmjenu stručnih i naučnih informacija kroz razmjenu časopisa, elektronskih časopisa, publikacija, udžbeničke literature i drugog stručnog materijala, resursa i usluga na osnovu reciprociteta,
 3. Razmjenu stručnog osoblja,
 4. Organizaciju studijskih posjeta,
 5. Organizaciju praktične nastave,
 6. Izradu, aplikaciju i realizaciju zajedničkih i pojedinačnih istraživačkih projekata,
 7. Promociju individualnih kontakata među akademskim i stručnim kadrom,
 8. Poticaj aktivnosti od zajedničkog interesa obje institucije,
 9. Usavršavanje službenika sudske policije, državnih službenika i namještenika zaposlenih u Sudskoj policiji;
 10. Proučavanje problema od zajedničkog interesa i pronalaženje najboljih načina njihovog rješavanja,
 11. Druge oblike saradnje od zajedničkog interesa u okvirima pozitivnih propisa i u skladu sa finansijskim, personalnim i materijalno-tehničkim kapacitetima.
- 3.1 U predmet Memoranduma će biti uključeni i drugi oblici saradnje u oblastima sistema sigurnosti sudske vlasti u Federaciji BiH utvrđenih Zakonom o sudskoj policiji o kojima Ugovorne strane postignu saglasnost.
- 3.2 Aktivnosti predviđene ovim Memorandumom će biti implementirane u toku saradnje između Sudske policije i CEPS-a kroz projekte čiji će sadržaj, ciljeve i ostale elemente uključujući i rokove i finansijske aspekte dogovoriti Ugovorne strane.

4. ODGOVORNOST ZA IMPLEMENTACIJU MEMORANDUMA

Za implementaciju Memoranduma su odgovorni potpisnici. Ugovorne strane su saglasne da se u izradi i implementaciji projekata mogu angažirati naučnici, istraživači i eksperti kao vanjski saradnici. Za svaki konkretni projekt potpisnici Memoranduma će formirati stručna tijela, u ovisnosti od vrste i prirode projekta.

5. RELEVANTNI PROJEKTI UVJETI UGOVORENIH STRANA

CEPS kao osnovni preduvjet saradnje naglašava akademsku autonomnost, shodno zakonskim i podzakonskim aktima koji uređuju pitanja naučno-istraživačkog rada.

Naglašavajući volju i spremnost da pomogne u realiziranju budućih projekata i saradnje CEPS pravo autonomnosti rada adresira na pravo samostalnog odlučivanja o korištenju intelektualnih, materijalnih, finansijskih resursa po svim stavkama.

Sudska policija saglasna je i spremna da u okvirima nadležnosti i ovlaštenja utvrđenih odredbama Zakona o sudskoj policiji u Federaciji Bosne i Hercegovine („Službene novine Federacije BiH“, broj 77/20) i drugih važećih zakonskih i podzakonskih propisa, te mogućnosti i raspoloživosti



kapaciteta, dogovara i ugovara s Visokom školom „CEPS-Centar za poslovne studije“ aktivnosti iz Memoranduma u svrhu efektivne i efikasne realizacije zadataka u izgradnji i razvoju kapaciteta Bosne i Hercegovine za sigurnost, zaštitu građana i materijalnih dobara, a posebno sigurnost i zaštitu pravosuđa u Bosni i Hercegovini.

6. ZAVRŠNE ODREDBE

Svaka strana potpisnica Memoranduma u pisanom obliku može predložiti drugom potpisniku izmjenu, dopunu ili raskid ovog Memoranduma.

Memorandum stupa na snagu nakon što ga potpišu ugovorne strane.

Ovaj Memorandum o razumijevanju i saradnji potpisan je u 4 (četiri) istovjetna primjerka, gdje svaka ugovorna strana zadržava po dva primjerka.

Za Sudsku policiju
u Federaciji Bosne i Hercegovine

DIREKTOR

Dženad Grošo, mr. iur.

Broj: Sp-01-01/1-02-654/24
Dana, 20.06.2024. godine



Za Visoku školu „CEPS-
Centar za poslovne studije“

DIREKTOR

Doc. dr. Mirzo Selimić

Broj: 875/24
Dana, 20.06.2024. godine



